

蕭
碧
堂
集

瀟碧堂集卷之八

石公表宏道中郎撰

麻城李長庚酉卿閱

詩

送唐堯胤赴上

蒼顏白髮竟何成
醉裏酣歌指帝京
喜與中郎
系姓字羞從
桃簡覓公卿
健鷹每欲辭
韝去俊
馬唯須帶骨行
君過酒人罍上看
荆高到底氣
如生

燈下觀菊花影同社中諸友賦

清媚知無敵披麗實可憐
易方唯月裡難寫是
風前才子影皆好傾城
背亦妍趙昌真粉本一
洗黛螺烟

二

一片籬花譜吳綃墨未成
何人工點染添我作
淵明月浪沉沉路風香
淡淡情騷魂多念汝夢
裡屈先生

三

只與屏爭艷全憑幻寫真光光能取影葉葉解
分身蘿月思前世松風夢故人黃筌信好手沒
骨有精神

四

淡月莪莪碎微風剪剪疎折從樂大手寄與化
人居藻葉菱文浪雲官島紀書烟光與焰水一
種繪空虛

五

舞影將流地顏香乍可聞玲瓏千朵月碎瑣萬

窠雲押以無絃韻吟成沒字文長時嗔眉兩或
恐近夫君

六

山中頻領畧得意是蕭疎半赭佳人後一簾溫
語初墻頽生畫意蛇鬥悟顛書離即成三昧超
超寔超余

七

靜語一堂熏兕觥屢付君窪窪捫水影游戲寫
風紋倩女歸時魄巫山嫁後雲鼻根如滅却亦

可嗅清芬

八

變體初從墨名家但姓黃空花新女弟烏有舊
兒郎亟作仙人謎和成羽客方浮生虛妄等一
倍感歡場

送羅服卿還夷陵兼柬陶孝若年兄

缸花吐盡醪杯重惜別綿綿話曉鐘雙髻奚奴
肩繡裛一鞭驄馬出芙蓉但知作叙千皇甫未
覺龍鬚笑士龍寄語歐公門下士青鞋將過紫

芝峰

五弟清梵閣落成閏九月九日同鄒伯學
王闇然王連玉劉繩之方平弟觴其上得
清字

隱几牙籤橫蠹魚漸次成花枝合苑影騷雅一
樓聲租薄盤飧瘦人閒笑韻清籬東香未歇展
限與淵明

聞省城急報

黃鵠磯頭紅染淚手殺都堂如兒戲飛鞚疊騎

塵燼塵報書一夕三回至
天子聖明臣斂手
胸臆決盡天下事二百年來好紀綱
辰裂星絳委平地
天長閹永叫不聞
健馬那堪持朽轡
書生痛哭倚蒿籬
有錢難買青山翠

閏九月菊

殘黃踈白也堪憐
舞向先生屋角邊
一與清閒為伴侶
幾番瀟散歷風烟
霜林已是呼先輩
秋蝶無因識暮年
拚取家醪三百盞
葛巾狼藉枕花眠

過五第天花館同郝公琰王尚父小酌
艸艸命窪罇秋花瘦滿盆題詩紅柏葉坐語綠
槐根僧懶遲鳴磬鴉昏不過村開簾見樹影月
在槿籬門

月下坐小閣

雛女笑咿啞踈簾委委斜酒繞清苦月詩懨寐
窠花影落回風鴈光分坐樹鴉侍兒供茗碗幽
事在山家

秋夜痛飲李上舍家和公琰韻

冠珥墮紛紜清言了不聞
鑪焦鳴暴雨杯杳卷
春雲醉眼常疑柱顛書
亂掃裙主人苛酒政起
立誦彈文

郝公琰邀過禪堂訪諸高衲

白袂與烏藤相邀訪定僧
君言未合齒吾屐已
先登但省乾無事何憂百
不能如臨幽澗水雖
小却清澄

二

幽院日清和
墻苔與徑莎
到來閒坐少
始覺頂

多病亦強人健愁猶勝客歌且休談出世入
世又如何時寒灰抱病

過法華練若

瘦栢多連架寒花半入餅山僧輪指語幽客倚
牕聽苔壁三年墨蔬園十畝青茶烟細細起竟
日鏤柴局

夜話清楚閣限韻

蕭騷葉滿窓楓落話吳江坐久枯蘭燼言深倒
酒缸寒泉鳴廢圃隣月影高幢碧楯方塘曲昂

藏老鶴雙

賦得野竹上青霄拈三江韻

烟勢分層岫寒梢瀉綠瀧鸞翹拔地洗龍羽撲
天降雨押釵頭重飈回个字雙隨根來北舍遶
影入西窓翳日巢幽鳥敲風吹小厖簷頭懸渭
水屏裏繪湘江曲路通斜閣交枝覆斷缸微霜
天女粉幽語梵仙腔掾笛知遺族漁竿識舊椿
染成雲泛泛可以碧淙淙自起操三弄時來倒
一缸主人那得比唯有鹿門龐

和五弟韻

覆地蒼雲濕垂天綠瀟濃窓開生翠疊箔卷膩
烟重妥尾千梢鳳擎空萬部龍入風旗燾亂敲
月珮環從嶰谷追遺律篴簫墨舊蹤高寒排雨
氣瀟颯冷雲冑漾壁顏藍水遮門浩碧峰湘娥
斑瀲灩莊叟賴于喁銅幹平欺栢霜髯欲傲松
橫分清偃蹇側髀醉龍鍾鐵畫唐鈎鎖麓村杜
刃鋒帚書豪蔡格箭括美吳儂碎影琉璃榻鮮
香琥珀鍾他時裁笋箨規製取芙蓉

過田我在鶴墅

小窓低檻綠氤氲門外車騎了不聞五畝池臺
三畝宅一停花竹兩停雲蠻姬借引罇前笑濁
酒催舒面上紋為語窮顛王老子幾人開口得
如君

看諸友奕

竹影風軒外楸枰石子聲暫憑閒調度消却苦
經營烏憤連花墮紅雲微面生旁觀亦自喜賴
是學無成

二

窓下歌襟坐無人
不看來時聞飛似雨
忽有笑如雷
得意天山捷
沉思槁木灰
經營定何許
九地九天回

初冬夜同郝公琰龔散木閒譚

雲樹蕭然大石居
清曩遙夜薦霜蔬
佳言屢似飛香屑
往事真如繹故書
窓外影閒雙睡鶴
燈前手冷一編魚
寒花瘦竹差相得
白首承明夢亦踈

風林纖月落

瑟瑟殘規吐泠泠小簾吹偶然低遠碧恰好透
疎枝冒藻勾蘿去籠烟壓露垂歸樵與去艇處
處杜陵詩

二

輪淺虛籠樹多斜乍避鸞一痕光淺豔萬井氣
森寒耻作粧奩喻聊為烟水看江湖多釣侶時
與校魚竿

三

碎影平侵檻寒梢半妥輪裝幽來隱舍布景與
詞人只在風篁曲長依水石隣東郊西浦上不
信有飛塵

四

簾卷烟條重窓分翠疊澄詩要林處士圖請趙
吳興活景通千壑閒觀倚一藤匡床誰對語合
有韻高僧

畫有工似有工意工似者親而近俗工意者
遠而近雅作詩亦然余此詩從似而入意者

也何遜之題梅也似而意者也子美之幸不
折來意而意者也李群玉之玉鱗寂寂可謂
工似然亦不俗如林處士之霜禽粉蝶俗矣
至云疎影橫斜水邊籬落可謂意中之似若
李錦瑟輦直謎而已如雪詩則云欲舞定隨
曹植馬人日則云舜格有苗周稱流火此可
與工意者道哉謂之似亦未也唐人詠月多
矣如云只益丹心苦能添白髮明深沉古雅
非子美不能至云暫將弓并曲番與扇俱圓

此惡道語也似而俗者也

夜話春艸堂限韻

刺目春杯釀消時筠管纖問風傳卷語備體襟
香奩山水堆脣角烟雲上指尖世緣如骰子遇
着偶然拈

二

螺子春生豔蛾眉老避纖祇宜供剪尺不可更
粧奩時纈抽絲嫩新花出樣尖隴西見弓矢一
見一回拈

三

陶令情非冶廣平賦偶纖鸞臺朝洗硯春艸夜
收奩倦翮猶思獵村眉也效尖白頭伴毛穎溷
上亦時拈

喜蘇潛夫至柳浪座上限韻

入門簷鳥亂紅葉照青衫童子初弛笈花驄乍
解銜甕頭傾瀼瀼卷裡出嶢巖屢眄跂音至秋
來信幾緘

二

側帽花垂髻翻杯酒污衫騷壇為佐領麴部是
兼衙話久風掀席思竒笋出巖半宵酬和語題
滿一封緘

三

小幺呼藤杖微暄去皂衫花頭當檻落鳥影入
杯街對日浮三爵他時老一巖暫來猶有禁佛
語口須緘

集方平弟綠蔭堂古槐下即事限韻

率爾生幽意非關對水山苔枝垂酒盞垂葉墮

烟鬟只此雙眉黛舒開一座顏婆娑醉老叟頂
領曲如彎

郡人來言楚宗事久未得 旨感賦

皂囊飛羽掣風馳不道天關叫亦遲漢法自應
裁大尾淮南何意袖金鉏黃蒿野望千家哭白
髮心傷一路危王業艱辛二百載湯將九鼎綴
輕絲

二

塵頭飛騎竟茫然望盡雲稜日角邊稅使逐來

漢書卷之三
纔兩載楚人機動已三年從知鹿死非陰地轉
恐烏橫欲暮天國體藩規俱莫論老臣塗血也
堪憐

小修久住沙市蘇潛夫遲之十餘日矣兩
中集劉繩之高齋小修忽至賦得十灰
百里三回約無朝不晤來未會離口齒忽已到
池臺酒病花銷去詩心竹引開簣簞舊老圃莫
艸去塵灰

賦得裙拖六幅瀟湘水

細簡勻勻疊長牆靡靡瀾風回千皺亂花遶一
拖寒洛水羅呈出謝家練比看兩般俱死水爭
解舞驚鸞

賦得歡場害馬

惡態頻來見清談事每差杯徵合券客庭老晒
禪花遇月長扁戶登山屢憶家每當歡飲夕三
五散如鴉

乍寒集王連玉宅小飲

淺屋低簷下春花滴小槽箸闌思蟹足話久覓

裁袍竹語調刀切雲啼猶狹高等閒歷寒暑頭
裏換斑毛

集小修簪管谷偶成

東家貸倭屏西家貸華燭髻鬟錯巾冠歡場稍
穠縟虛窓淅瀝風四圍遮被襖涼月陰叢枝十
畝莎庭綠主人季次貧衣馬欣馳逐三秋客渚
官百金倚吳肉歸來雙羞囊風枝掃空屋微伎
列樽罍情侈歡不足幸有萬竿篁寒梢漏春淥
蕩盡管絃心豁開烟嵐目何處覓清歌微風戛

修玉

月下過小修淨綠堂試吳客所餉松蘿茶
碧芽拈試火前新洗却詩腸數斗塵江水又逢
真陸羽吳瓶重瀉舊翁春和雲題去連筐葉與
月同來醉道人竹影一堂修碧冷乳花浮動雪
鱗鱗

大石居小集送蘇潛夫得風字

底事心難盡窮宵說未終半槽平口水一葉打
霜風寒月衝煤焰枯株照粉紅別來元白語多

分在詩筒

代

隨例東門柳那堪折贈行
早知雲易散何忍夢難成
小玉終無匹汪倫只有情
別來林處士賣鶴買新聲

夜坐讀少陵詩偶成

嘗聞工書人見書長一倍
每讀少陵詩輒欲洗肝肺
體格備六經古雅凌三代
武庫森戈戟廟堂老冠佩
變幻風雲新妖韶兒女黛
古鬼哭幽

塚羈遊感絕塞古人道不及公也補其廢化工
有遺巧代之以覆載僅僅蘇和仲異世可相配
剪葉及綴花諸餘多瑣碎紛紛學杜兒伺響任
鳴吹入山不見瑤何用拾瓊塊

王回先一夕尚痛飲呌笑如常時侵曉三
弟來云回病且革以為戲也急往觀之回
奄然逝矣遂為長律哭之

道病猶疑謔那知畢竟非命輕殉粉黛形老僊
甘肥事業憑脣立家園信手揮分身衝酒陣一

笑解愁圍黑白人人是恩仇面面輝牢籠心入
竅輕巧語當機望節朝團社聞歌夜款扉乍來
乾鵲喜忽去飽鷹飛六月綾紋裨三冬葛縷衣
預愁酤少直不畏室啼饑面古堪描畫耳頑耐
刺譏飢中無糝粒袖裏有珠璣卅法猿愁檻歡
場馬脫鞵醉猶喧夜月死不待朝曦破屋遮遺
薦寒蒿倚素幃一城俄冷落四衆半歔歔在在
盤飧減門門笑語稀襟懷詩客盡氣運酒家微
貌熟人頻夢名輕鬼不威鴛鴦魂宛變蝶死蛺

芳菲猶勝西隣叟黃金帶不歸

送郝公琰南下

雪子落紛紛鳴濤遠送君夢回牛渚月書達敬
亭雲俗薄休懷刺交浮莫定文王充如有論應
使蔡邕聞

和東坡聚星堂韻

凍鳥無語僵寒葉曉起漫堦五尺雪穿簾撲慢
綴斜風楯碧紗紅景幽絕壚膏乍澁紫莢生研
冷煤枯霜頽折千梢擺壓鳳翅垂萬瓦齊鋪烏

鱗滅近墻老鵠不知人却立
蕤蕤如被掣月團三百沸溫
甌盈碗漚花瀉文纈高禪
滿坐攬趁床佳言衝口梅檀
屑楊岐偈子再三題龐老機
鋒時一瞥東坡先生寫雪真
不用煩言與喻說杜老梅花
詩亦然廣平空有心如鐵

甲辰初度

偶然臨水見蒼顏且喜安身
紫翠間老去無心防白髮衆
中開口問青山文書狼籍恣
情看賓客逢迎學語閒三十
七年恒河眼試觀那似舊

潺湲

二

閒花閒石伴踈慵
鏡掃湖光屋幾重
勸我爲官知未穩
便令遺世亦難從
樂天可學無楊柳
元亮差同有菊松
一盞春芽融雪水
坐聽遊衲數青峰

三

弟兄相對黑盈顛
便是逍遙地上仙
瀟碧堂中雲委地
柳浪湖上雪翻天
長絛古褶緇黃隊
皓

齒修眉水石邊不道為官無一可為官無此日
高眠

四

溪流疊疊遶山扉手植檉楊許大圍夢裡不思
龍尾道閒中聊葺鹿皮衣要圖麴蘖千回醉且
作槍榆數步飛濯足亭中人姓呂踏花時過釣
魚磯

十二月十七日五弟初度

任運閱年光不識支干易但聞蠟梅香知弟生

辰至二十八番花一開一回麗讀盡古人書識
遍天下事家世安國學鐵硯工文字無射不穿
楊一往看聯轡屈指兔目花黃時甫再歲千里
宿春糧養就天池翅

五弟生日同諸公集春艸堂得文字

寒月高齋子鶴聞竹烟梅雪冷紛紛偶然筆落
珠成字悞被人呼鳳作群萬石厠膾香史冊八
荀杯杓走天文眼中鬢鬣聯翩去任我南山社
嶺雲

又次三弟韻

文藻如今更老成風流人識小馮名
曾中早有吞牛氣卷上時聞擲地聲
五字詩催箛管亂一簾香散酒籌橫
他時得第煩天語幸免鞭笞及老兄

立春日偶題

此年閏九月

秋來喜遇雙重九歲裡欣逢兩立春
重疊也知天好事流連無過老閒人
山茶吐暈紅侵肉寄酒吹香白到脣
水榭一區微料理湖光趁取玻璃

璦新

梅花

空階綠淨影疎斜
戲把清枝壓鬢華
老去已無兒女態
春來猶愛典刑花
蒼雲白石長相對
明月寒塘自作家
擯却鑪香與尊酒
幅巾聊試武夷茶

二

瘦枝逸格總天真
不屬東風旖旎塵
尚有蠟梅為佞倖
可無修竹作同人
花前乍許孫登嘯
座上

上唯容靖節巾國豔名葩
廿豈少祇緣無此秀
丰神

徐景鳳光輝叅訂

門人袁升度無涯初校

吳士冠相如手書

瀟碧堂集卷之九

石公表宏道中郎撰

麻城李長庚西鄉閱

詩

乙巳元日

湖柳侵街水接門東風纈纈澹微溫
久乘下澤無官韻乍著紅衫有摺痕
皓首頽頽俱入市碧芽新島又成村
歸來且坐梅花下倒却驚黃四五鐔

外甥毛雲花燭詩時年甚小

玉立映澄壺兒郎洵美都香含新蕊蕊花引嫩
鵝雛案小頻過額烟輕欲散鑪韋門素業好付
與外甥盧

人日自笑

是官不垂紳是農不秉耒是儒不吾伊是隱不
蒿萊是貴着荷芰是賤宛冠佩是靜非杜門是
講非教誨是釋長髯鬚是仙擁眉黛倏而枯寐
林倏而喧囂闌逢花即命歌遇酒輒呼麈一身

等輕雲飄然付大塊試問空飛禽澄潭影何在
曠哉龍屈伸願爲方外內下惠本介和夷逸乃
清廢

寄黃平倩廢子

任他吹霧唾青天割水求脂也可憐謗篋祗堪
助道品羞囊休問買山錢金華直冷披霜入瑞
艸談深枕麴眠一靜一忙閒比較試思誰是地
行仙

二

百年身世付踈頑，只在溪花浪柳間。
已分髮毛捐白足，但憑牙頰佞青山。
夢回巴國雲千里，書到蛾眉翠幾灣。
龍不隱鱗真可恥，漢陰甕裏省機關。

寄魯長石太史

天祿歸來且道裝，高齋八九瞰瀟湘。
花前白帔新雲氣，枕底青山舊日光。
竹影侵溪朝洗研，柳梢披雨夜焚香。
故應禪味如鹽水，宿世曾為青
州堂。

夜起同廖道人扣王生門索酒酒行而雷
電大作衆皆辟易余興益豪至子夜乃休
夜暖不成寐披衣聊起行一街絲雨暗半隙幌
燈明壁上烟黃字甕頭點滴聲乾蓮與烘荀倍
覺有心情

二

天意蒼茫惡奔雷駕雨風書翻入甕內兒走匿
床中拍案山公叫霑唇兒盞空歸途那用燭電
火照人紅

曾長石詩來約以寒食見過用韻荅之
湖上腰如許那能不繫人到門青李帖屈指永
和辰筍蕨抽簪嫩旗槍戰火新雲山無處少只
少自由身

春分忽大雪同小修賦

湖光搖碧柳拖黃青帝如何尚縞裝似與天桃
添粉澤聊同飛絮鬪輕揚斜穿霧縷霑鶯濕亂
捲風鬚詎蝶忙擬寫爛紅深雪裡怕人悞作鞦
韆莊

苦雨

且莫問提壺春風一半孤暮雲啼滑滑曉樹語
呱呱夢繞飛花社思牽線柳湖無方可醉得濁
酒坐灰燼

乍晴述懷

竹裏新晞喚羽雛幽人情緒遠江湖偶因訪藥
偕緇侶久不吟花長白鬚社日雞豚謹社里醉
闌荀錯夢東吳春來背癢誰搔得方外閒尋校
獐姑

長石過訪共宿二聖禪林次日至柳浪遂
有三峽之約

寒潭冰月澹鬚眉話到鐘沉暝冷時綠水攜來
尋和者白雲收去贈相知閒耽碧柳新莎地認
取長林倦鳥枝謝客已堅雙屐齒峽猿巫雨任
追隨

新晴

鷄鳴聽遠鐘淒清入寒嶠曉枕氣微暄絲絲簷
鳥笑花香乍襲人窓湧一痕照溫風炫露光塵

歛青天耀逸思如繫鷹繫解心浩浩出門見乎
湖流水清面貌村酤白癭杯沿堤呼雨好

送惟長先生歸寧途中偶成

板橋絲柳黃泥路曾是從公送人處麻衫掃地
額沾沙蒿里一聲公又去長堤雨暗血滋衣旂
施遙遙捲飛絮白楊無數鬼啼風三十六人唱
烟霧人生要死何用愁白日紅輪攀不住赤髭
黃卷馘他生皓齒清歌樂朝暮薄留風雅駐歡
場高築糟丘驅大怖一斗憨憨睡寶池大士心

許佯顙怒少日倔強老更顙料公拍手菴羅樹
曾退如太史返棹江千雨甚宿楊上舍家
令門僧持卷來觀夜坐有懷敬題其末

蘭蕤坐銷紅長吟短噫中
濮天車軸雨撼地石
郵風夢去雲連峽詩來翠掃空
習家池上酒何
事外山公

二

山鬼莫吹燈羈心感少陵話中江渺々
卷裏岫層層嵐重千畦衲雲開九節藤
聯床今夜雨空

對嶺南能

泛舟便河

一棹碧蒼茫蕉衫碎影涼風音和鳥語水色與
天光岸老蒲根出沙平荻筍香蹄輪何滾滾對
面即滄浪

二

禪板佐尊罍青溪曲曲迴魚閒知浪靜鳥喜覺
風來漠漠新雲樹荒荒舊冶臺一番見高塚一
度使眉開

送蘇潛夫北上

去去日華東，晴霞似火紅。
好辭杯底月，莫畏馬頭風。
謝客休耽屐，張融且豎銅。
緋袍白手板，勉矣偶場中。

遊章臺寺和小修韻

飛塵泠泠消人語，隔烟遙雨洗青畦。
道風薰白芷，苗竹深存廢碣。
僧老話前朝，霸業荒殘盡虎名。
只細腰。

碧水蠲忙去紅葩引笑開
兔葵傷故國孤粉嘯
空臺古屋晴生菌深房
畫鎖苔松音與梵響一
洗大夫袞

三

雲捲三分地塵飛六國王
自然歸滅劫不必問
巫陽古壘荒遺構澄波
照冷篁廿年雙屈指頭
白話兒郎

四

碧渚新琅玕入門碎影寒
么絃將水聽青黛作

炯看且樂時花艷休悲故壠殘南威他自美興
廢豈相干

午日沙市觀競渡感賦

金鱗坼日天搖波壯士麾旄鳴大鼉黃頭胡面
錦袂額疾風怒雨鬼神過渴蛟飲壑猊觸石健
馬走坂丸注坡傾城出觀巷陌隘紅霞如錦汗
成河妖鬟袖底出巾冠白顛髯下立青娥朱閣
玲瓏窓窈窕輕烟倩語隔紅羅吐舟絲管南舟
肉情盤景促歡柰何雲奔浪激爭撫掌亦有父

老淚滂沱渚官自昔稱繁盛二十一萬肩相磨
西首中璫橫幾載男不西成女廢梭琵琶賣去
了官稅健兒半負播州戈笙歌沸天塵捲地光
華盛校十年多耳聞商禁漸弛緩努力官長蠲
煩苛太平難值時難待千金莫惜買酒醪君看
至德中興後幾人重唱天寶歌

夏日同龍君超傳仲執蕭季星龔散木彭
長卿崔晦之小修王小白泛舟便河得橋
字

好作烟林譜微霞帶水條平平鋪碎浪遠遠出
紅橋天圻雲鱗見江澄暑路消山光與黛粉一
種是逍遙

又和龍君超韻

白板赤欄橋石根繫小舸風傳初稻信雨應熟
梅潮柳密兼烟重槎枯帶蘚漂洄沿無定止只
似野雲邀

劉元質宅宴得金字

遠水輕雲意孤桐野鶴心消磨歸酒以游戲入

花林趙姊雙名燕盧郎一字琛龐公見亦悔湘
水錯沉金

龍君超徵集章臺以看花臺為韻偕遊為
林伯雨傅仲執劉元質蕭季星崔晦之小
脩

碧篠當烟出朱華帶渚看佳人吳笑語公子晉
衣冠始覺歡場盛爭言雅道難經時覓快友纔
得許如蘭

二

一笑爛雲霞青娥驅髮華章臺新馬足洞口舊
漁槎秋水人人月春風面面花不同愁來玉蕭
瑟對東家

三

天際颿輕雷濃陰潑地來叢中避粉黛樹底卧
醵壘數點將穿屋移時忽泛臺只疑舊歌舞化
作雨雲回

陶不退以容城諭丁內艱歸滇中至敕邑
殤其令子遂瘞焉於其行也詩以送之

麻衫如葦別芹宮那復哀殤客路中幸免西河
夫子慟稍存羸博古人風腮毛換去三停白柏
葉歸來十度紅富貴幾何愁苦劇令人翹首眄
飛鴻

二

十年塵土敝衣裳瞥見昆池舊景光無佛稱尊
雞足老與天醜大夜郎王蠻娘乍隱溪花笑香
客遙懷漳艸香秘藥如山砂似鏃試探何處有
仙方

七夕偶成

天上一昏一旦人間甲子周年不分黃姑織女
夜夜烏鵲橋邊

二

兒女絲絲乞巧先生老矣何求不用巧靈烏鵲
唯宜拙守斑鳩

病起新霽見月乙巳中秋夕也

病起初逢月雲開笑亦開雲隨殘悶去月逐好
懷來墜葉凝清露新香瀉綠醅冶心雖校淺仍

是欲然灰

林蘭閣同王以明先生及尚父謝道人小
集偶成

涼月下空疏蕭々靜者居休心花事斷忌藥酒
舡虛竹外披烟鶴尊前帶子魚盤殮聊復爾商
略古人書

送君超兄還武陵

碧江波疊曉霜肥換盡生蕉細縷衣榴火爛時
諸彥集蠟梅香裡一騎歸糟壇博社輕揚入鶴

侶鷗群自在飛枉渚陽山憑寄語道人魂夢久
相依

二

山水心情謝永嘉斷溝殘石漸盈車高齋是處
鴉棲墨娃閣頻分燕作家袖裏新書驚惠子卷
中逸事困張華烏藤白恰仙仙去知入桃源幾
樹花

龍堂招提觀影戲精絕入解前此未有汪
師中龍君超皆有作

楚前百戲揔逡巡角底魚龍且讓新
逆往順來吳道子乍非忽是李夫人
宮城隱約瑠璃國冠帶飄飄題題身
水沫乾坤成壞等空中風簫火中輪

二

華鐙膏燭月玲瓏聖手當場欲繪空
出像楚騷兼爾雅返魂班巧與斤風
絲規縷折塵三昧萬臂千頭小六通
喚醒人間石火夢無情悲喜片時中

三

造物聊憑意匠成，縱無筋骨有神情。木人自覺
機關少，粉本輸他笑語生。世界摠依陽燄海，鄰
封知近閨婆城。南詢童子叅何晚，烟水風光第
一程。

醉歸口占示凡公響泉道人

不寐即狂歌，蓮花漏水多。醉來尋白足，定起喚
青娥。梵唱填吳肉，荷衣剪越羅。亦知風景煞爭
奈老顛何。

當陽僧來邀游青溪紫蓋諸勝

十載青溪約今番始赴期如雲投舊嶺似鳥念
高枝藍壓仙翁井苔深鬼谷祠單將一喝去秤
取布毬師

二

一澗珠翻處千山玉照時東衝西邏酒橫版側
厓詩僧老扶雛至鶴驕帶子隨掌茶與谷水宿
世也相知

登遨遊塚有感作示凡公響泉道人

清溪集
古塚新新道荒原漠漠楓荷衣蕙帶鬼燕麥兔
葵風頽疊高陵變分趨逝水東莫言空不得何
事不成空

將入青溪值雨雪凡公有詩見促用韻答
之

童子語誦誦雪花打皂衫雲低天慘淡霜老石
巉巖恠鳥鳴枯葉空江立瘦杉青溪騎鶴叟聊
且附書緘

代青溪道士見招

青溪月和霜和冰發萬仞沁寒潭冷盡玻璃骨
青溪花傍水帶烟斜東曲謝蘭香西曲萼綠華
青溪水雲根洗清泚朝浸月里芝暮烹王烈髓
青溪雪萬頂千峯徹隔浦喚仙奴夜春雲毋屑
君之來猿鳥笑雲為舟風為棹鬼谷罷談孝先
徙竈騷凰與駕鵠知非君所好吾為君招赤城
之化骨及絕逸之髯君為我歡然而就道君不
來雲山澳

讀經羅漢贊為黃竹石題

數墨尋行云不了義離指月觀超半滿字風起
雲流烟高石翠是沒字經諸佛所契

送雪照還吳

洗鉢焚鈔去瞻雲倚棹歌離鄉吳語變入咏楚
騷多五老峯頭瀑三江雪後波厯衣樓笠子袖
手看嵯峨

又代作

四載椒林社精研只有君高談排嘿照獨往賤
多聞江面瓶心月山南嶺吐雲逆風香自遠無

路襲芳芬

暮鳥投林和張明教

霧卷復烟披
嘈嘈話許時
大都尋故侶
莫是揀高枝
半嶺雲千態
疎林月一規
夜寒風裊裊
歸夢在天地

二

霞碧與山紅
烟林繪繡中
乍啼綠見月
半妥為梢風
萬點鋪沙異
千畦帶犢同
莫愁三市苦
猶勝在金籠

三

渺渺辭沙嶼
嘹嘹帶遠空
分行來樹裏
送影入池中
小艇烟江月
高樓晚笛風
佳人天末許
同此眇歸鴻

乙巳初度口占

南郭讀書西郭田
一竿秋水一湖烟
蠻歌社酒時時醉
不學龐家獨跼禪

二

白石青山到處綠
月高梳櫛日高眠
無聞已是

慚夫子四十于今少二年

乙巳除夕

十畝負江田，歸耕已七年。
稚松雲偃地，雛女髮垂肩。
貝葉翻將綻，荷衣著屢穿。
貧鄉何可戀，大抵為林泉。

徐景鳳元輝叅訂

門人袁升度無涯初校

吳士冠相如手書

清碧堂集卷之十

石公袁宏道中郎撰

麻城李長庚西卿閱

詩

謝于楚陶孝若見訪柳浪得風字

交游南北揔成翁忽地相逢柳浪中
細雨小添澆藥水落花時逐渡溪風
長堤雲卷千絲碧高閣霞舒十里紅
七載東皋唯頌酒知君猶念老無功

春日同謝于楚周觀國小脩李澄之王尚
夫崔晦之劉繩之過智者堂訪度門法師
得心字時度門難後至此

數里碧陰森高禪靜亦吟
趺花來遠澗聽鳥入
平林歷盡推車坂稍存
統指金浮塵都歇盡未
歇唾壺心

謝于楚由川入楚將東歸歛復北上有姬
在燕也

蹄輪汨汨幾曾聞
鬢髮蕭騷塵滿顏
卷裏携來

三峽水夢中吟去九華山一江春月浮輕舸萬
樹濃花念小鬟世態飽經鹹苦盡爭如婦卧酒
罍間

鴈字

幾回聯絡幾回分整整斜斜自作群龍女波中
呈樣帖天孫機上出迴文長戈偶散平沙月春
蛸時盤塞北雲翔鵠驚鴻徒有語家鷄那得健
如君

二

長鋒短折布空輪筆勢蕭疎絕點塵萬轉豈能
無別意千行何事只書人青腰玉女霜前牘大
翻先生化後身浙水巴江從此去湯將老健敵
清新

三

常時風卷復霞舒萬翥勻勻點點疎雲裡豈煩
蒼頡氏空中誰讀典墳書鸞溪展去綃千丈榆
塞回時載幾車毛穎禿來今在否月天試問老
澹蟬

四

綃素無功法不傳幾將封事達天邊青山卓似
含鋒筆碧霧濃如慘紙烟體勢已超鸞翥上契
書知在鳥官前明霞淡月踈踈見染取成都十
樣箋

五

瘦畫娟娟半欲歌分如釵股絡如絲千行寫盡
黃姑練一字題成碧落碑南浦逆風文破碎西
江披雨墨淋漓斜騫蔓引黃沙去譜出胡笳出

塞詩

六

篆烟劃月過瀟湘流麗森疎綴幾行禪客辨來
知半湍儒生記去識邊傍回波影出雙鉤榻暮
雨催成急就章鳳鳥不來河洛隱年年編錄為
誰忙

七

秋風漠漠散毫端謾道迷煙逗浦難細去雲棲
如界墨密來星點似鉛丹纔從夢筆驛前過又

向造書臺上看入夜幾聲嘹唳去梧桐枝上一
鉤寒

八

輕飄亂洒入纖濃掛角羚羊那有縱鴉點紛紜
呈惡札鷹瞵險怒出狂鋒征園每暗蓬婆雪退
墨虛宙石廩峰我亦頻年有蠹癢扶搖猶可一
相從

九

一行行起布青天只在明沙遠水邊孤點乍隨

如帶墨數羣中斷似殘箋鶯黃借與填新曲鳳
史煩為記往年莫道書成無雲鰭江南洲渚有
秦烟

十

儒生習氣揔難除萬轉千番楮墨餘入地也應
為帶艸化虫依舊作蟬魚江南塞社難移性兄
弟妻孥揔解書一掃雲間狂蹟去研光千尺展
空虚

送王以明先生赴南都試

把酒新聽百舌鳴
蒼烟盡處看君行
梨花雨漲春流疾
柳絮風香畫檣輕
寶劒危冠真國士
高牙大纛盡門生
秋來怒翮天池老
不怕垂天化不成

諸衲見過

閒即過東臯
衲衣對酒槽
袖中懷米帖
花底讀離騷
蒲卷鑪烟細
窓寒石累高
貧家無可供
汙水與谿毛

哭江進之十首 有序

乙巳秋聞進之兄卒于蜀余時伏枕慟幾
絕嗟乎余與進之之交豈復在口舌間哉
進之死世誰復有定中郎文者已矣猶記
令吳之日與兄商證此道初猶不甚信弟
謂兄曰果若今人所著萬口一聲兄何以
區別其高下也且古人之詩歷千百年讀
之如初出口而今人一詩甫就已若紅朽
之粟何也進之躍然起曰是已後為余叙
敝篋遂述此意蓋實語也進之才俊逸爽

朗務為新切嘉隆以來所稱大家者未見
其比但其中尚有矯枉之過為薄俗所檢
點者往時曾欲與進之言而竟未及是余
之不忠也然余所病正與進之同證亦不
意進之之去若是速也慟哉即君幸盡以
諸藁屬我我當為進之刪定藏諸名山以
俟後世子雲也往弟有錦帆解脫諸集皆
屬進之為序甚獲我心然彼時詩不通而
文亦散緩今第刻瓶花瀟碧二集安能使

兄快讀一過為弟叙而傳也慟哉弟交遊
徧海內而性命文章十居其九至如寒潭
皎月透徹底裏如吾進之者指不一二屈
也進之有佳兒能讀父書可以自慰知進
之所未了者高堂白髮然曾孫滿前老伯
無大苦也中懷作惡苦不得佳語欲躬致
束芻值有邑乘之役素車白馬未卜何日
挽章十篇即君為我朗吟進之靈前或墓
前亦可鬼未必即通為讀數十回可也

石火乍飄紅匆匆四閨中才名巴子國吏蹟館
娃宮洗海澄天月催芳爛蕊風不留長把玩收
拾與虛空

二

案有君遺蹟時時動我悲夢中呼白也卷裏哭
微之骨似凝冰石心如靜水池大玄那得比囑
累有佳兒

三

一笑凌雲去高寒自少塵騷魂皆楚鬼弔客盡

秦人作誄傾南國移書誄北辰斯文凋喪盡何
用死麒麟

四

偏是佳人少鵲鷗日日鳴應劉皆早世晁賈竟
虛生雪澗寒當戶漁梁怒湍城憐才與惜寶天
似未分明

五

蜀魄悲鳴後巫猿叫嘯初峨嵋徒有黛巴水不
成書女鬼行雲侍仙鄰賣卜居浣花溪上叟情

好舊鄉廬

六

好手經爐冶
匡時正老成
文通才未盡
元靜職猶輕
妖作長沙鵬
帳空澧水螢
花源留蹟處
莎艸背堦生

七

節節來余夢
溪雲湖柳邊
浪仙神尚瘦
米芾鬼猶顛
花國恣題品
珠宮任纂編
閒時出諧史
一笑譁諸天

八

湘水濯魂清
紛紛蘭芷生
梔花仙路豔
薜荔鬼衣輕
喜去朝虞帝
悲來過屈平
沙蘿村口上
夜引瞿童行

九

作者心良苦
悠悠世豈知
近俳緣矯激
取態任斜欹
江濶無澄浪
林深有贅枝
向人言似夢
無計解愚癡

十

舊俗好檢點因循媿少歲只疑如豆目未達似
空心琴敗孤音絕林荒破宅深期君二百載隻
字雙南金

送周觀國還會稽兼寄陶周望兄弟

江流澎湃處一曲是官衙小邑城三里荒垣市
幾家斗湖曾載月浪柳也吹花跼蹐真如繭能
禁念若耶

二

且莫聽啼魂烟嵐路亦賸山連內史宅水到賀

公門曉月蘭橈市春風黛綠村箇年題壁處霜
洗舊苔痕

曾退如雷何思過柳浪湖時退如初度有
詩見示次韻荅之

醉裏烏藤手自扶閒隨鷗鷺過澄湖一江浩雪
浮箕舌千畝深篁露頂顱且與青娥刪白髮休
將五嶽換三孤烟巒好在消搖侶慚媿虛名老
顧厨

虞翻謂公安地形如箕舌見吳志

曾雷二太史過柳浪用杜韻

雲嵐深幾曲五月氣猶寒月下兼花下林端更
水端愁來詩監押老至道遮闌識得藏身計塵
勞也自安

二

時西太史方外歸談男女術云可得仙

勸我早經營三山海上城亦如憐素女其那忤
方平青鳥曾經約丹臺也注名竹枝江上雨難
道是無情

和退如舟中韻退如訪道回家有新姬併
以為嘲

霞光猶繞芰荷衣紅袖前迎遠客歸玄鬢返來
猶可辨丹砂健後却疑非三山誓許鸞臺入一
鶴終隨弄玉飛雲作風神花作語看君戰勝幾
多肥

黃平倩久無書有僧自蜀來傳其最卅余
不信數日後陶周望書來云聞平倩有疾
且求消息于余余謂小修曰必無他詩以
志之

積雪峨眉路三年渺去鴻岷紅惟有浪巫峽祇

風驚絕西僧語愁深太史筒子瞻定不死吾
料天公

西僧來云平倩初病痺今已痊復志喜

西望嘉陵信迢迢半影鴻黃州元不死白傳已
無風小近臨邛黛新開郾酒筒僧言真實否吾
欲讓龐公

後二事皆來僧語

彭長卿自武陵至公安遊甚困便欲由梁
之魯入都歌以送之

瘴雨谿烟痕滿面去日北風打霜霰青鞋踏遍

武陵山溪流不泛桃花片千崖霞錯繡盤盤自
是羈人眼不見歸魂夜夜攪春雲夢裡黃金醒
後變宵寒枕上疊征衫曉雨街頭典行卷囊空
難買沙頭春一騎秋風走淮汴袖裡慵開北海
書匣中自洗端溪研杜甫南池李白樓兔園臺
館靈光殿七十老翁健如鍊騷場尚可背城戰
大耳紅頰酒百盞醉來猶枕挺花扇朱家門外
季布髡信陵席上侯嬴賤碣石天高曉月寒
潞河水滑秋雲濺幕府若逢裴相國一字應償一

四 綃

附險韻詩

初春暴熱過靜者居限韻

花氣鬱春蒸下馬脫吳綾坐看綃格下時有撲
紗蠅螫口與木筆非時聯作朋雛篁茁雁齒冶
葉被蒼藤閒蝶趁風廊香鬚沾其膺似彼青娥
子夢亦戀花繒盆池供瘦石斜幌隱龕燈迴風
逆香縷裊裊青烟騰研丹竄今文時軌裂軻曾
雲山刺騷士穠香惱定僧

法華菴同諸開士限韻

送雲歸老岫荷篠量幽潭古榻連池損癡禪
着謎叅閒膠踏石屐小立探春驂竹路編龍子
花時過長男艸侵紅版谷蕉短綠天菴角燭抽
寒穗鑪絲吐睡蠶農人占九九童子契三三溪
鳥藏深澗潤毛露淺髮疏經通老衲書額過精
藍欲訪東林去陶家借竹籃

又次前韻

恠石含斑蘚幽雲抱古潭茶勛憑水策詩理入

禪叅白蛤絲春社紅衫過篠簷純書沈簾笥紙
筆付兒男鼯鼠全河飲蝸牛一殼庵有冠徒似
范自繭可悲蠶瘦削山容獨酣沉柳夢三近烟
紅淡泊看雨綠鬢髮香膩煎雲母溪光瀉蔚藍
僧來伸紙看一幅古魚籃

旃檀館雨中限十一韻

卧觀殘帖蠹閒撥冷池灰洗碗供梨汁分壚炙
芋魁雉斑穿砌笋兔目長官槐謝艸吟三復支
堂看幾迴思深泉透石吟苦將啻枚敝冊膠春

鹵花幾汙曉煤鵲飛頻帶子鳩雨不通媒種藥
愁沙澁增欄值岼顏茜衫官長過小服野人推
木壁塗畚像丹房裂淨苔菰菁欲放滿自起斲
旁菜

香光林即事用前韻

宦網弛三面禪心積久灰歲功聽瓦卜天紐問
杓魁老蠹穿香節寒蟲叫古槐紅花排岸出沁
水到門迴割裂窮已衍俳優畜馬枚沉思竭廢
井久語墮梁煤子鶴難為父妻梅不用媒立窓

石皴瘦困雨竹陳頽花社僧來訊鷗鄰長可推
附舟求洞藥置檻養盆苔作意為農去湖田怕
長萊

法華菴雨中諸公以詩相角限得六韻

苦發寒鑪竅閒書折股釵珠雲裁月遍儷白粲
紅皆筆悞翻缸落金清入梵諧分闔時一蹇驅
悶幾回排古硯文全蝕廢鐺耳半埋毘耶多口
老閒引散花娃

菴中閱經示諸開士用前韻

乘急參媼女戒急怯聞釵香象截河流一非刻
衆皆悶觀百喻經奇勝千齊諧八十翁憐兒莊
語間詎伴我願作書魚死即藏經埋勝彼火坑
子以身殉粉娃

喜王以明自村中来同寶方官谷限韻

骨交削濃茜氣交和水鹽魂交破幽石空天徹
捲簾十日九緘題秋水扁方奩銳毛刺雲山巧
鏤百戈銛東風鼓蚓竅發我小言磨兔自角妍
姪青娥突老髯櫻桃本凡品况乃經燎醺高枝

蔭寸毛貞名濫宮闈鑄銅哭瘦島一往何李鐵
搖頭鈍優孟豎兒口可箝女態非瘦肥茶韻出
香甜瀉我傾腸波蜣蛔如可拈應龍乘高雲細
鬣舞盆噉

別王以明用前韻

一室閉冷雲花月擯無鹽兀坐生泉石榻風吹
水簾花斑繡青銅夜夜吼紅奩微言破塵縷厲
彼昆刀銛野夢牽墟落松寮麗省唐空潭侶水
影垂竿揖枯髯往往抽栗尾拾鮮棄其醢當其

雋發時叱盲排馬闌秀句傳活水死語遭夷殲
騷家心恍惚玄子口吃排異物平今直時味飽
軟甜窮恠鑄九鼎等以一毛拈尺水昂巨鱗吐
沫聊自驗

五弟新卜園居余笑曰柰物力不敷何社
中遂以為韻作詩嘲之仍限四章各四韻
斫紅裁粉竿作意綴春物長短稱身難貧兒貸
朱綬百晚貯虛空買破秋烟鬱莫似雜花林卜

菴典古佛

官谷時以柳浪湖易余古
佛余遂菴之名曰禪花村

二

鑿地出方空日費十蠻力東谿招鷺鷥西谿捕
錦鵲東腹耜青蛙園租雲母食墻屏列胸中日
夜幾雕刻

三

螺子洗春雲空塘繫瘦鵲柳烟不蔽條遮得鴉
雛不裁剪湘波紋蒼根刪古玉附僧覓紫綿筠
籠客西蜀

四

石鑰局春風籬棘森戈戛閒雲不隸館任意羅
門窺天花爛僧祇逼眼霞紋敷溫衣裹小蠻茆
茨享淳母

音模

雪中限韻時寓沙市同度門作

天女呈新纈寒梅著典刑
尉沙溫凍局擁扇讀
仙經蒼跡紛殘篆枚濤怒遠
聽鷺饑卷似蜩蟲
窘字如丁一國琉璃觀千枝
發刃斨鏡開古水
照涎熱老龍腥漏跡埋番夾
寒澌結膽瓶禪心
降槁木僧夢怯巖扃卧客全
肖蟄寒姑早驗鴿

皓姿三十里清遠隔吳涇

二

蒼茫沉地魄吼怒峭花刑鑪冷荒茶譜年豐驗
稻經王正書法首國令免庸聽入樹占男女候
晴卜丙丁凍毫書破字古繡結殘硎岩闔魂先
入水窓夢亦腥分箋疏白事溫水護青餅撥悶
頻呵局思山屢啟局歸弓耘舊圃餒矣憶原鴿
欲訪佳人去寒舟閣淺涇

雪霽後仍用前韻

帝女傳花信陽官布省刑簾霜淋故額窓彩爛
殘經軋軋聲初亂烏烏樂可聽題書邀寶月祝
面憶添丁薰帖防新潤磨烟散古研茗花香後
澹艇子過時腥老樹波千溜寒梅月一瓶粉光
勻水市青黛撲門扃玳瑁噉盆鯽連錢玩小鴿
面暄酣白戰決口瀉河涇

舟中看月仍用前韻

陰霏如不掃風伯有常刑樓閣雲初坼玻璃魄
乍經沙容兼雪看鑪響入泉聽近閣梅題遜橫

江鶴姓丁詩魂將化石霜顙發於刪河鼓呈天
絲蛟宮匣冷腥夜光辭嶺蛤舍利瀉吳甌窈窕
宮腰國倉琅帝子扃穿林眠凍兕觸葦叫寒鴝
濯足求清瀨剛腸惡濁涇

迎春日舟中宴坐限韻

妖靚樂芒神荆俗乃不典縮頭亂牘中通身如
歲蘭面窓理瓶梅幽香度前牕野心似綠稊一
夜遍春畎勁風破長雲飛片落如剪霜管刺春
容鐵心寄婉孌信手抹溪藤霞舒而雲卷坐俟

山翠濃青天策疲蹇花艸與翎蟲作意為敷演
夢裡題玉泉枕上百迴輾

舟中風雪遲蘇潛夫遊玉泉不至和客韻
立盡寒枝影佳人宵不來掀帷拋斷夢撥筋寫
殘灰南郭頻愁賴東林每憶雷樹髭啼猶狄雲
凍失丘魁江滄奔瀾疊山流膩綠顏精靈憑化
骨神力假于鬣一掃狂霾去千峰萬嶺梅

二

積陰負故臘莽莽壓天來白馬酸冰渡蒼猊死

寒灰祝晴頻夢火詛雨訖鞭雷撥悶憑毛氏澆
寒命艸魁垂頭花擁腫裘絮衲隳顏看帖遮愁
眼噓天鼓怒顰青娥隔帶水負我一窓梅

入春屢作雪不見梅花仍用雪中韻作古
詩悲之

寒花如古玉未出屢遭刑幽魂訴冷石怨入楚
騷經置驛報花安未曉心先聽夢到訊不到澆
炙瘦園丁雪心膠蠟蒂亂結如頑硎安得鶴膝
枝一洗龍腦腥掃室待天女潔水貯空瓶枕上

見羅浮諸仙門反高菊格與蘭韻於汝猶鵲鴿
紛紛捫李奚啻渭與涇

徐景鳳元輝叅訂

門人袁升度無涯初校

吳士冠相如手書

瀟碧堂集卷之十